

জনসংযোগ অফিস
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



Public Relations Office
Jahangirnagar University
Savar Dhaka Bangladesh
Phone: +88027791045-51

প্রেস বিজ্ঞপ্তি

জাবি ছাত্র নূরুজ্জামানের অকাল প্রয়াণ ।।

মঙ্গল শোভাযাত্রা বাতিল

জাহাঙ্গীরনগর বিশ্ববিদ্যালয়, ১৪ এপ্রিল ২০১৯ ।

জাহাঙ্গীরনগর বিশ্ববিদ্যালয় কর্তৃপক্ষ গভীর শোক ও দুঃখের সঙ্গে জানাচ্ছেন যে, বিশ্ববিদ্যালয়ের ৪৫তম ব্যাচের ইংরেজি বিভাগের ছাত্র মো. নূরুজ্জামান গতকাল শনিবার রাতে আকস্মিকভাবে হৃদরোগে আক্রান্ত হয়ে মৃত্যুবরণ করেছেন। ইল্লালিল্লাহে---রাজেউন। নূরুজ্জামানের অকাল প্রয়াণে বিশ্ববিদ্যালয় কর্তৃপক্ষ আজ বাংলা নববর্ষের পূর্ব নির্ধারিত মঙ্গল শোভাযাত্রা কর্মসূচি বাতিল করেছেন। উপাচার্য অধ্যাপক ড. ফারজানা ইসলাম আজ সকাল সাড়ে নয়টায় বিশ্ববিদ্যালয়ের পুরাতন কলাভবন চত্বরে মৃত্যু মঞ্চ নূরুজ্জামানের প্রতি শোক প্রকাশ করে মঙ্গল শোভাযাত্রা কর্মসূচি বাতিল করার সিদ্ধান্তের কথা জানান। এসময় উপাচার্য বলেন, ইংরেজি বিভাগের মেধাবী ছাত্র নূরুজ্জামানের অকালে চলে যাওয়া আমাদের সকলের জন্য একটি কষ্টের বিষয়। নূরুজ্জামানের অকাল প্রয়াণে জাহাঙ্গীরনগর বিশ্ববিদ্যালয় ও তার পরিবারের জন্য অপূরণীয় ক্ষতি হলো। উপাচার্য নূরুজ্জামানের পরিবারের সদস্যদের প্রতি সমবেদনা জ্ঞাপন করে তার আত্মার শান্তি কামনা করেন। এ সময় নূরুজ্জামানের প্রতি শোক ও সম্মান জানিয়ে দাঁড়িয়ে এক মিনিট নিরবতা পালন করা হয়।

বিশ্ববিদ্যালয়ের চিকিৎসা কেন্দ্র সূত্র জানায়, ইংরেজি বিভাগের ছাত্র নূরুজ্জামান গতকাল সন্ধ্যা আনুমানিক সাতটার দিকে চিকিৎসা কেন্দ্রে এসে ডাক্তারের কাছে পেটে ব্যথার কথা বলেন। এসময় ডাক্তার তাকে প্রয়োজনীয় চিকিৎসা দিয়ে তাত্ক্ষণিক সাভারস্থ এনাম মেডিক্যাল কলেজ ও হাসপাতালে যাওয়ার পরামর্শ দেন। এসময় তাকে হাসপাতালে পাঠানোর জন্য একটি এম্বুলেন্স প্রস্তুত করা হয়। কিন্তু নূরুজ্জামান সুস্থ বোধ করছেন জানিয়ে হাসপাতালে যেতে রাজি না হয়ে চিকিৎসা কেন্দ্রের বেডে শুয়ে আরো অপেক্ষা করতে থাকেন। ডাক্তার নূরুজ্জামানের অবস্থা পর্যবেক্ষণ করে কয়েকবার তাকে হাসপাতালে যাওয়ার তাগিদ দেন। এ পরিস্থিতিতেও নূরুজ্জামান হাসপাতালে যেতে রাজি না হলে ডাক্তার তাকে আর দেরি না করে রাত আনুমানিক পৌনে নয়টার দিকে এনাম মেডিক্যাল কলেজ ও হাসপাতালে প্রেরণ করেন। হাসপাতালে পৌঁছানোর পর জরুরি বিভাগের চিকিৎসক নূরুজ্জামানকে মৃত বলে ঘোষণা করেন।

রাত আনুমানিক একটার দিকে নূরুজ্জামানের মরদেহ বিশ্ববিদ্যালয়ে আনা হয়। নতুন কলাভবন চত্বরে তার আত্মার শান্তি কামনায় দোয়া করা হয়। পরে তার পরিবারের সদস্যদের ইচ্ছে অনুযায়ী নূরুজ্জামানের মরদেহ গ্রামের বাড়ি নীলফামারীতে পাঠানো হয়।

পরিচালক (ভারপ্রাপ্ত)

জনসংযোগ অফিস